



L'associaziun Quarta Lingua lantscha ina concorrenza

10'000 francs

per in project rumantsch attractiv che surpassa ils cunfins linguistics

La Quarta Lingua mida a curta vista la moda da conceder contribuziuns da promoziun. Fin ussa ha la QL sustegnì mintg'onn var 10 projects da lavur culturala rumantscha cun imports tranter 500 e 4'000 francs. En il decurs da quest onn e da l'onn che vegn na vegn quai betg ad esser il cas. L'associaziun, fundada dal 1972, che promova la lingua e cultura rumantscha vul percenter surdar l'onn 2020 ina contribuziun d'emprima prioritad da 10'000 francs.

Cun quest import vul la QL sustegnair la realisaziun d'in project innovativ. A moda creativa e persistenta duai il project promover

l'intermediaziun da la lavur culturala rumantscha en las ulteriuras regiuns linguisticas

e/u

la preschientscha en il spazi public da las Rumantschas e dals Rumantschs che vivan en la diaspora.

Per la contribuziun d'emprima qualidad da 10'000 francs as pon annunziar:

- personas singulas (creaculturas, intermediaturAs da cultura, personas d'instrucziun, studentAs, etc.)
- organisaziuns culturalas
- interpresas da medias
- citads & vischnancas

Ils dossiers resp. concepts pon vegnir inoltrads electronicamain fin il pli tard ils 28 da fanadur 2020 sur la pagina <https://quartalingua.ch> (sut «Dumonda da sustegn»).

A tgi che la contribuziun vegn concedida, decida la suprastanza da la QL fin la fin da fanadur 2020.